

Siunnersuummut nassuiaatit

Nassuiaatit nalinginnaasut

1. Aallaqqaasiut

Ulloq 1. juli 2002 aallarnerfigalugu ilaqutariinnut ataatsinut illunik, illunut uiguleriittut aamma inissiatut quleriaatut iluseqartunik nutaanik inissialiornissamut aningaasalersueqataanissamut pisortanit taarsigassarsititsisoqartalerpoq.

Nutaanik inissialiornissamut aningaasalersueqataanissamut pisortat taarsigassarsiarititaat, innuttaasut nammineq inigisassaminnik pisinissamut aningaasalersuisinnaanissaannut, taamaalillutillu imminnut inissiamik pilersorsinnaanissaannut, tunngavissiiinissami ilungersuuteqarnermi ilaatinneqarput.

Sanatitsisut namminersortut aningaasaliisartullu, nutaanik inissialiornissamut taarsigassarsiaritinneqartunik pisortanit taarsigassarsillutik, inissiat inissiatut attartortittakkatut atornissaat siunertaralugu, inissianik amerlanerusunik sanaartortarnerat ukiuni kingulliinerusuni takussaaleriartuinnarpoq.

Naliliisoqarpoq innuttaasut nammineq inissaminnik sanasinnaanissaannut imaluunniit pisinnaanissaannut, taamaalillutillu imminnut inissiamik pilersorsinnaanissaannut tunngavissiiinissamik ilungersuuteqarnermut tamanna naapertuukkunnaartoq.

Tamanna tunngavigalugu illuliortiternernut aningaasalersuineq pillugu Inatsisartut inatsisaata allanngortinneqarnissaanut siunnersuut saqqummiunneqarpoq, taassuma atuunnerani siunissami attartortitsinissaq siunertaralugu, nutaanik inissialiornissamut taarsigassarsiaritinneqartartunik pisortanit taarsigassarsilluni arlalinnik inissialiortoqarsinnaajunnaassaaq imaluunniit inissiamik arlalinnik pisisoqarsinnaajunnaassalluni.

2. Siunnersuummi immikkoortut pingaarnertit

a) Inatsisit atuuttut

1. juli 2002 aallarnerfigalugu inunnut ataasiakkaanut taamatullu suliffeqarfinnut ingerlatseqatigiiffinnullu nutaanik nammineq pigisanik inissialiornissamut sanaartornermut taarsigassarsititsisoqarsinnaalerpoq. Inissiat nammineq pigisat inissiarsuartut, illut affarleriit, illut uiguleriittut imaluunniit ilaqutariinnut ataatsimut affarleriittulli sananeqarsinnaapput. Inissiat nammineq inigisatut, attartortitassatut imaluunniit sulisunut inissiatut atorneqarsinnaapput.

Pisortanit taarsigassarsiarititat piginnittut nikinneranni akiligassanngorneq ajorput. 1. januar 2018 aallarnerfigalugu taarsigassarsititsinissamut neriorsuummi aammalu taarsigassarsititsinissamut neriorsuutit taakkua tunngavigalugit taarsigassarsiarititani ullup 1. januar 2018 kingorna nalunaarutigineqartuni piginnittut nikinneranni akilersuut akilerneqartartussanngorpoq.

b) Siunnersuut

Siunnersuutigineqarpoq nutaanik inissialiornissamut pisortat taarsigassarsiarititaat siunissami taamaallaat inunnut taarsigassarsiaritinneqartalissasut. Siunnersuutigineqarpoq inuit nutaanik inissialiornissamut pisortanit taarsigassarsillutik ataatsimik inissiaateqareersut, nutaanik inissialiornissamut pisortanit taarsigassarsiteqqinneqarsinnaassanngitsut imaluunniit nutaanik inissialiornissamut pisortanit taarsigassarsilluni inissialiaareersumik tiguisinnaassanngitsut.

Siunnersuutigineqarpoq sanatitsisut namminersortut nutaanik inissialiornissamut taarsigassarsitinneqarnissamut neriorsuummik suli pisinnaassasut. Inissialiat nutaat taakkua atuilernissamut akuersissutip tunniunneqareernerata kingorna kingusinnerpaamik qaammatit arfinillit qaangiunneranni inunnut tunineqarsimassasut, atugassarititaasut tunngavigalugit taarsigassarsititsinissamut neriorsuut tunniunneqassaaq. Tamatuma kingorna inissianut tunineqarsimannngitsunut taarsigassarsititsinissamut neriorsuut atorunnaassaaq.

Siunnersuutigineqarpoq taarsigassarsiat pioreersut piginnittut nikinnissaasa tungaanut atugassarititaasut allanngortinnagit ingerlatiinnarneqassasut. Sanatitsisut namminersortut imaluunniit aningaasaliisartut nutaanik inissialiornissamut pisortanit taarsigassarsillutik, arlalinnik nammineq pigisanik inissiaateqartut, allannguuteqanngitsumik inissiat inissiatut attartortittakkatut atorsinnaaginnassavaat. Piginnittut nikinneranni pisortat taarsigassarsiarititaat inunnit nutaanik inissialiornissamut pisortanit taarsigassarsiaqariinngitsunit, taamaallaat tiguneqarsinnaapput.

Siunnersuutigineqarpoq nutaanik inissialiornissamut taarsigassarsititsinissamut neriorsuut ulloq 1. januar 2021 sioqqullugu tunniunneqarsimasoq, tassani pisussaaffiliisumik sanaartornermut akigititassanut isumaqatigiissuteqartoqarsimalluni, atugassarititaasut allanngortinnagit ingerlatiinnarneqassasut. Sanatitsisup inissiaq ataaseq arlallilluunniit, nutaanik inissialiornissamut pisortanit taarsigassarsivigineqarsimasut, inunnut aamma pisinnaatitaallutillu pisussaataasunut tunniussinnaavai. Tamatuma kingorna piginnittut nikinneranni pisortanit taarsigassarsiarititat taamaallaat inunnut nutaanik inissialiornissamut pisortanit taarsigassarsiaqariinngitsunut, tunniunneqarsinnaapput.

Siunnersuut inatsimmut atuuttumut sanilliullugu

<i>Oqaasertai atuuttut</i>	<i>Siunnersuut</i>
	<p style="text-align: center;">§ 1</p> <p>Illuliortiternernut aningaasalersuineq pillugu Inatsisartut inatsisaanni nr. 39, 23. november 2017-imeersumi, Inatsisartut inatsisaanni nr. 36, 28. november 2019-imeersumi allangortinneqartumi, makkua allangortinneqarput:</p>
<p>§ 9. §§ 5-8 naapertorlugu taarsigassarsisitsineq taamaallaat pisinnaavoq sanaartornermi aningaasartuutit tamarmiusut sinneri taarsigassarsisup nammineq aningaalersorpagit.</p>	<p>1. § 9 imatut oqaasertalerneqarpoq: ” § 9. §§ 5-8 malillugit taarsigassarsiarititat inunnut ataasiakkaanut aammalu sanaartornermut aningaasartuutit tamarmiusut sinnerinut aningaasalersuinissap uppersarneqarnerani, taamaallaat taarsigassarsiaritinneqarsinnaapput.”</p>
	<p>2. § 9 kingorna ilanngunneqassaaq: ” § 9a. Inuit ataasiakkaat kisimik inissiamut ataatsimut taarsigassarsitinneqarsinnaapput. <i>Imm. 2.</i> Inunnut ataasiakkaanut inissialiortiternernut aningaasalersuineq pillugu Inatsisartut inatsisaat imaluunniit inissialiortiternernut aningaasalersuineq pillugu siusinnerusukkut inatsisit naapertorlugit nutaanik inissialiornissamut taarsigassarsitinneqareersimasunut, taarsigassarsititsisoqarsinnaanngilaq.”</p>
	<p>“ § 9b. Sanatitsisoq namminersortoq inunnut ataasiakkaanut tuniniaanissaq siunertaralugu nutaanik inissialiorsinnaavoq. Kommunalbestyrelsi § 9 malillugu nutaanik inissialiornissamut taarsigassarsititsinissamut neriorsuuteqarsinnaavoq. Nutaanik inissialiornissamut taarsigassarsititsisarneq pillugu aalajangersakkat taamaaqataanik atuutissapput. <i>Imm. 2.</i> Sanatitsisup namminersortup</p>

	<p>atuilernissamut akuersissummik tunniussereernerup kingorna qaammatinit 6-init kingusinnerusumi nutaanik inissialianik tunisinerani, inissianut tunineqarsimanngitsunut taarsigassarsititsinissamut neriorsuut ilimasaarinertaqanngitsumik atorunnaassaaq.”</p>
<p>§ 11. § 10, imm. 1-imi illunut pineqartunut atatillugu piginnittut nikinneri tamaasa pillugit kommunalbestyrelsi ilisimatinneqartassaaq. Piginnittut nikinnerini §§ 5-8 naapertorlugit taarsigassarsiat akiligassanngortinneqassanngillat.</p>	<p>3. § 11, imm. 1, imatut oqaasertalerneqarpoq: ” § 10, imm. 1-imi illunut pineqartunut atatillugu piginnittut nikinneri tamaasa pillugit kommunalbestyrelsi ilisimatinneqartassaaq. Inissialiortiternernut aningaasalersuineq pillugu Inatsisartut inatsisaat imaluunniit inissialiortiternernut aningaasalersuineq pillugu siusinnerusukkut inatsisit naapertorlugit nutaanik inissialiornissamut taarsigassarsiaqariinngitsunut piginnittut nikinnerat eqqaassanngikkaanni, §§ 5-8 malillugit taarsigassarsiat piginnittut nikinneranni akiligassanngortinneqassapput. Ingerlatseqatigiiffinni, peqatigiiffinni assigisaannilu pigisanik aalaakkaasunik piginnittuunissamik, attartortitsinissamik imaluunniit allatut ingerlatsinissamik pingaarnertut siunertaqartuni pigisanik, piginneqataassutinik, aktiaatinik assigisaannillu tunniussineq aammattaaq piginnittut nikinnerattut isigineqarpoq.”</p>
<p>5) Qinnuteqartup cpr. normua, najugaqarnermut allagartaq imaluunniit alla kinaassutsimik erseqqissumik takutitsisoq. 6) Qinnuteqartup pisortanut akiitsoqarnera pillugu Akiliisitsiniarnermut oqartussaniit nalunaarut.</p>	<p>4. § 27, imm. 2-imi, nr. 4 kingorna normumi nutaami ikkunneqarpoq: ”5) Qinnuteqartoq Inatsisartut inatsisaanni matumani imaluunniit inatsisini allani taarsigassarsiaqariinngitsoq uppernarsaat, takuuk § 1, imm. 3.”</p> <p>Nr. 5 aamma 6 tamatuma kingorna nr. 6-nngussapput aamma 7-nngussapput.</p>

	<p style="text-align: center;">§ 2</p> <p>Inatsisartut inatsisaat ulloq 1. januar 2021 atuutilerpoq.</p> <p><i>Imm. 2.</i> Inissialiortiternernut aningaasalersuineq pillugu Inatsisartut inatsisaat imaluunniit inissialiortiternernut aningaasalersuineq pillugu siusinnerusukkut inatsisit naapertorlugu nutaanik inissialiornissamut taarsigassarsiat pioreersut, piginnittut nikinnissaasa tungaanut allannguuteqartinnagit ingerlatiinnarneqarput.</p> <p><i>Imm. 3.</i> Ulloq 1. januar 2021 sioqqullugu inissialiortiternernut aningaasalersuineq pillugu Inatsisartut inatsisaat imaluunniit inissialiortiternernut aningaasalersuineq pillugu siusinnerusukkut inatsisit naapertorlugu nutaanik inissialiornissamut taarsigassarsititsinissamik neriorsuutit, pisussaaffiliisumik sanaartornissamut akigititassanut isumaqatigiissuteqartoqarsimanngippat, Inatsisartut inatsisaanni pineqartunut ilaatinneqarput.</p> <p><i>Imm. 4.</i> Ulloq 1. januar 2021 sioqqullugu nutaanik inissialiornissamut taarsigassarsititsinissamik neriorsuutit aammalu pisussaaffiliisumik sanaartornissamut akigititassanut isumaqatigiissuteqartoqareersimatillugu, atugassarititaasut allanngortinnagit ingerlatiinnarneqarput. Taarsigassarsisup isumaqatigiissuteqarfigisaanit taassuma isumaqatigiissuteqarfigisaanut piginnittut nikinneranni § 1, nr. 2 aamma 3 atuutissapput.</p>

3. Pisortanut aningaasaqarnikkut allaffissornikkullu sunniutaasussat

Siunnersuut sanatitsisut namminersortut siunissami attartortitsinermut atugassatut inissiardsualiornissaannut aammalu inissiardsuarnik ilusilersuinissaannut, sunniuteqarsinnaavoq. Siunnersuutip inissiardsuarnik amerlasoorpassuarnik inissiarraqartunik nutaanik sanaartorneq

unikaallatsissagaa ilimanarpoq. Tamanna nutaanik inissialiornissamut kommunit taarsigassarsititsinissamut neriorsuutaannut sunniuteqarsinnaavoq, taamatullu inissianut namminersortunit pigineqartunut attartortitsinermut akigititanut sunniuteqarsinnaalluni.

4. Inuussutissarsiortunut aningaasaqarnikkut allaffissornikkullu sunniutaasussat Siunnersuut inuussutissarsiortunut annertuunik allaffissornikkut sunniuteqassanganneqanngilaq.

4.1 Inissiat pioreersut pisortanit taarsigassarsiffigineqarsimasut nalinginnaasumik tuniniarneqarsinnaassapput. Pisisussat, nalinginnaasumik aningaaserivik attavigisartagartik suleqatigalugu, pisinissaq aningaasalersorneqarsinnaanersoq nalilersussavaat. Nutaanik inissialiornissamut pisortanit taarsigassarsiat, nalinga appasinnerutillugu aammalu aningaaserivik imaluunniit kreditforening aqputigalugu aningaasalersueqqinnikkut, sioqqutsisumik akilerneqarnissaat periarfissaqarpoq.

Naliliisoqarpoq nutaanik inissialiornissamut pisortanit taarsigassarsilluni inissialianik ataasiakkaanik tuniniaanissamut neqeroorutiniq ujartuineq, siunnersuummit matumangga qanittumi imaluunniit ungasinnerusumi sunnerneqarnavianngitsoq.

Inissiat amerlanerusut sivikinnerusup iluani tuniniarneqalissappata, siunnersuut ujartuinnermut, taamaalillunilu qanittumi akianut, annikitsumik sunniuteqarsinnaasoq ilimanarpoq.

Ujartuinnermut siunnersuutip sunniuteqarnissaanik nalilersuinnermi oqaatigineqarpoq, amerlasoorsuarnik inissiarqartunik inissiarsualiorneq, taamaallaat Nuummi takussaasoq. Nuummi nutaanik inissialiornissamut pisortat aningaasalersueqataanerat atorunnaarsikkiartuaarneqarpoq aammalu 1. januar 2027 aallarnerfigalugu atuutilersumik atorunnaartussaalluni.

Ulloq 1. januar 2027 atuutilersumik nutaanik inissialiornermut aningaasalersuineq niuerfimmi atugassarititaasut nalinginnaasut tunngavigalugit pisalertussaassaaq. Naliliisoqarpoq Nuummi pisortat aningaasalersueqataasarnernannik atorunnaarsitsiartuaarneq, Nuummi nutaanik inissialiornissamut pisortanit taarsigassarsilluni inissialiaareersunik ujartuinnerup attanneqaannarnissaanut iluaqutaassasoq.

4.2 Sanatitsisut namminersortut nutaanik inissialiornissamut taarsigassarsinissamut neriorsuummik sulii pisinnaassapput, tassani ilaallutik inissiarsuit arlalinnik nammineq pigisanik inissiarqartut. Kingusinnerpaamik atuilernissamut akuersissummik tunniussinerup kingorna qaammatit arfinillit qaangiunneranni inissiat inunnut tunineqassasut, atugassarititaasut tunngavigalugit taarsigassarsinissamut neriorsuut tunniunneqassaaq.

Tuniniaaneq nutaanik inissialiornissamut pisortanit taarsigassarsilluni aningaasalersuineramik ilaqartinneqassappat, sanatitsisut namminersortut inissialianik nutaanik tuniniaanerat, atuilernissamut akuersissummik tunniussereernerup kingorna kingusinnerpaamik qaammatit arfinillit qaangiunneranni tamanna pissaaq. Tamatuma kingorna inissianut tunineqarsimangitsunut taarsigassarsititsinissamut neriorsuut atorunnaassaaq.

Tamatuma amerlasoorpassuarnik inissartaqartunik nutaanik inissiaarsualiortarneq annikillisissagaa ilimanarpoq. Inunnut tuniniaanissaq siunertaralugu amerlasoorpassuarnik inissialiortarneq aarlerinaateqarsinnaavoq. Inissiat amerlanerusut piffissap sivikinnerusup iluani tuniniarneqalissappata, tamanna ujartuinnermut taamaalillunilu akigititanut sunniuteqarsinnaavoq.

Sanatitsisut namminersortut ikinnerusunik inissartaqartunik inissiaarsualiornerusalernerannik aammalu kingusinnerusukkut tuniniaanerup qanittumi ujartuinnermut sunniinginnerusalerneranik, tamanna malitseqassasoq ilimanarpoq.

4.3 Nuummi amerlanerusunik inissartaqartunik inissiaarsuarnik arlalinnik sanasoqareerpoq aammalu inissiat attartortitsinissaq siunertaralugu sananeqartut imaluunniit pisarineqartut takuneqartarluni. Siunnersuummi matumani siunissami sanatitsisut namminersortut imaluunniit aningaasaliisartut nutaanik inissialiornissamut pisortanit taarsigassarsillutik, attartortitsinissaq siunertaralugu, nutaanik inissialiortarnissaat imaluunniit pisisarnissaat mattunneqassaaq.

Matuma kinguliani takussutissiat marluk allanneqarput, ukiumut 2018-imut aamma 2019-imut illuliortiternermut aningaasalersuinnermut inatsit malillugu aamma piginneqatigiilluni inissianut inatsit malillugu inissialiornissamut taarsigassarsititsinissamut neriorsuutinik takutitsiviusut. Takussutissiani 2018-imut aamma 2019-imut taarsigassarsititsinissamut neriorsuutit qanoq isikkoqarsimanermut pisunut takussutissat takutinneqarput, kisianni siunissami qanoq isikkoqarumaarnersoq naatsorsuutigineqarnera pineqarani.

Illuliortiternernut aningaasalersuinnermut inatsit malillugu inissialiornissamut kommunini aningaasaliissutaasimasunut takussutissiaq:

	Avannaata Kommunia	Kommune Qeqertalik	Qeqqata Kommunia	Kommuneqarfik Sermersooq	Kommune Kujalleq
2018	Inissiat marluk	Inissiat 8-it	Inissiat 6-it	Inissiat 42-it	Paasissutissat amigaataapput
	587.500 kr.	1.878.702 kr.*	1.516.500 kr.	7.242.450 kr.	
2019	Inissiat 16-it	Inissiat 27-it	Inissiat 5-it	Inissiat 179-it	Paasissutissat amigaataapput

	6.600.000 kr.	7.185.405 kr.*	2.042.592 kr.	42.439.438 kr.	

*Iluarsaassinissamut taarsigassarsititsinissamuinnaq neriorsuuteqartoqarsimavoq.

Piginneqatigiilluni inissianut inatsit malillugu piginneqatigiilluni inissialiornissamut kommunini aningaasaliinernut takussutissiaq:

	Avannaata Kommunia	Kommune Qeqertalik	Qeqqata Kommunia	Kommuneqarfik Sermersooq	Kommune Kujalleq
2018	Inissiat 0	Inissiat 0	Inissiat 15-it	Inissiat 0	Paasissutissat amigaataapput
	0 kr.	0 kr.*	7.878.750 kr.	0 kr.	
2019	Inissiat 0	Inissiat 3-it	Inissiat 16-it	Inissiat 0	Paasissutissat amigaataapput
	0 kr.	3.300.000 kr.*	8.404.000 kr.	0 kr.	

5. Avatangiisinut, pinngortitamut aamma inuit peqqissusaannut sunniutaasussat

Siunnersuut avatangiisinut imaluunniit pinngortitamut sunniuteqassanganneqanngilaq.

6. Innuttaasunut sunniutaasussat

Inuit kisimik nutaanik inissialiornissamut taarsigassarsinnaalernerannik imaluunniit inissianik nutaanik inissialiornissamut pisortanit taarsigassarsititsivigineqarsimasunik tiguisinnaalernerannik, siunnersuut malitseqassaaq.

Inuit aamma pisinnaatitaallutillu pisussaataasut, nutaanik inissialiornissamut pisortanit taarsigassarsitinneqarlutik inissianik arlalinnik aammalu assersuutigalugu attartortittakkatut atorineqartunik pigisaqartut, nutaanik inissialiornissamut pisortanit taarsigassarsitinneqarlutik inissianik allanik pisisinnaassanngillat. Taamaattoqarsimappat pisortanit taarsigassarsiaritit inissiap tunniunneqarneranut ilaatillugu akilerneqartussanngussapput.

7. Sunniutaasussat annertuut allat

Siunnersuut annertuunik allanik sunniuteqassanganneqanngilaq.

Nutaanik inissialiornissamut taarsigassarsiat aamma taarsigassarsitinneqarnissamut neriorsuutit pioreersut, siunnersuutip atuutilernissaa sioqqullugu tunniunneqarsimasut,

piginnittut nikinneranni taarsigassarsiat akiligassanngussanngitsut atugassarititaasut tunngavigalugit tunniunneqarsimapput. Siunnersuummi matumani taarsigassarsinissamut atugassarititaasut allannortinneqarput, taamaalilluni inunnut inissialiortiternernut aningaasalersuineq pillugu Inatsisartut inatsisaat imaluunniit inissialiortiternernut aningaasalersuineq pillugu siusinnerusukkut inatsisit naapertorlugu nutaanik inissialiornissamut taarsigassarsiaqariinngitsunut piginnittut nikinnerat eqqaassanngikkaanni, taarsigassarsiat piginnittut nikinneranni akiligassannortussanngorlugit.

Siunnersuummi nutaanik inissialiornissamut pisortanit taarsigassarsillutik inissianik piginnittooreersut inissiamik tunisinissaat mattunneqanngilaq, taamaalillunilu pisisussap pisortat taarsigassarsiarititaat tigusinnaavai. Inuit kisimik aammalu taamaallaat pisisoq pisortanit taarsigassarsititsiviusumik inissiamik piginnittooreersimangippat, piginnittut nikinneranni pisortanit taarsigassarsiarititaat tigusinnaagaat siunnersuutip malitsigissavaa.

Allanguutissatut siunnersuutigineqartoq taarsiivigineqarsinnaatitaaffilimmik taarsiissutitalimmik pigisanik piginnikkunnaarsitsisarnermut inatsisitigut akuliunnertut isigineqarsinnaanersoq, imaluunniit allanguutissatut siunnersuut inatsisiliortup taarsiinertaqanngitsumik maleruagassiinissamut nalinginnaasumik periarfissaqarneranut ilaanersoq, isumaliutersuutigineqarpoq.

Akuliunneq taarsiissutitalimmik pigisanik piginnikkunnaarsitsinertut iluseqarnersoq naliliinermut ataatsimoortumik naliliineq tunngavigineqartussaasoq, inatsisilerinikkut atuagassiani isumaqatigiiffineqarpoq. Tassani pingartinneqarpoq akuliunneq pisinnaatitaaffinnik nuussinertaqarnersoq imaluunniit atuisinnaatitaanermik annikillitsiinnarnersoq, akuliunneq nalinginnaasuunersoq imaluunniit ataasiakkaanut tunnganersoq, akuliunnermut tunngavilersuutaasoq taarsiissutitalimmik pigisanik piginnikkunnaarsitsinissamut tapersiinersoq imaluunniit akerliunersoq, kiisalu akuliunnerup annertussusaa, ilanngullugu taassuma piginnittut piginnaatitaanerannut annertunerusumik annikinnerusumilluunniit sunniuteqarnera.

Siunnersuut manna maannakkut taarsigassarsisunit allanut pisinnaatitaaffinnik nuussinermik malitseqartussaannngilaq. Siunnersuummi ataatsimut isigalugu pineqarput pisortat taarsigassarsiarititaat aamma taarsigassarsititsinissamik neriorsuutit pioreersut, siunnersuutip atuutilernissaa sioqqullugu tunniunneqareersimasut imaluunniit nalunaarutigineqareersimasut aammalu siunnersuutip atuutilernissaa sioqqullugu nutaanik inissialiornissamut taarsigassarsititsinissamik neriorsuutinut, pisussaaffiliisumik sanaartornermut akigititassanut isumaqatigiissuteqarfigineqareersunut, ikaarsaarnermi aqqissuussinertaqartoq.

Naliliisoqarpoq siunnersuut killilimmik annertussuseqartoq. Kikkut siunissami inissiamik nutaanik inissialiornissamut pisortanit taarsigassarsititsivigineqarsimasumik piginnittut nikinneranni pisortat taarsigassarsiarititaannik tigusinnaanersut killiliinermik taamaallaat siunnersuut malitseqartussaavoq. Naliliisoqarpoq siunnersuutip inissianik nutaanik

inissialiornissamat pisortanit taarsigassarsititsiviusimasunik ujartuinnermut annertuumik sunniuteqarnissaa ilimanangitsoq. Tassunga ilanngutissaaq sunniuteqarnera, inissianik nutaanik inissialiornissamat pisortanit taarsigassarsititsiviusimasunik arlalinnik tuniniaanissamat neqerooruteqarnerup naleqquttumik aaqqissuunneqarneratigut, pakkersimaarneqarsinnaassasoq.

Inissialiortiternernut aningaasalersuinnermut aaqqissuussinerup aallaavigeqqaagaanut utertinnissaa siunnersuummi siunertaavoq, aammalu inissiat nutaanik inissialiornissamat pisortanit taarsigassarsititsiviusimasut, innuttaasut ataasiakkaat imminnut inissiamik pilersornissaannut annertunerusumik iluaqutaanissaasa qulakkeerneqarnissaa siunertarinqarluni. Taamatut paasillugu siunnersuummi siunnerfigineqarpoq, inatsisitigut inissisimaneq pioreersoq aamma pisortanit taarsigassarsiaritinneqartunut aamma taarsigassarsititsinissamik neriorsuutitut pioreersunut atuuttussanngorlugu, utertinneqassasoq. Taamaalilluni siunnersuut ineqarnermut politikkip kinaassusersiunngitsumik ataatsimullu isigalugu piviusunngortinnissaanut iluaqutaassaaq, tassalu innuttaasut immi inissiamik pilersornissamat ilaatillugu inissiamik nammineq pigisamik pisisarnissaannut tunngavissiiinissaq.

Tamanna tunngavigalugu naliliisoqarpoq, siunnersuut taarsiissutitalimmik pigisanik piginnikkunnaarsitsinertut iluseqanngitsoq, kisianni inatsisiliortup taarsiissutitaqanngitsumik maleruagassiinissamat nalinginnaasumik periarfissaqarneranut ilaasoq.

8. Oqartussanut kattuffinnullu tusarniaaneq

Siunnersuut piffissami 14. november 2019 – 19. december 2019 tusarniaassutigineqarpoq, aammalu piffissami tassani tusarniaanermut nittartakkani tamanut saqqumitinneqarluni uani www.naalakkersuisut.gl.

Siunnersuut tusarniaaffigineqartunut makkununga tusarniaassutigineqarpoq:

Naalakkersuisut Siulittaasuata Naalakkersuisoqarfia
 Pinngortitamut, Avatangiisinut Ilisimatusarnermullu Naalakkersuisoqarfik
 Aningaasaqarnermut Naalakkersuisoqarfik
 Aatsitassanut Suliffeqarnermullu Naalakkersuisoqarfik
 Aalisarnermut, Piniarnermut Nunalerinerimullu Naalakkersuisoqarfik
 Inuussutissarsiornermut Nukissiuuteqarnermullu Naalakkersuisoqarfik
 Isumaginninnermut Inatsisinillu Atuutsitsinermut Naalakkersuisoqarfik
 Peqqissutsimut Naalakkersuisoqarfik
 Ilinniartitaanermut, Kultureqarnermut Ilageeqarnermullu Naalakkersuisoqarfik
 Nunanut Allanut Naalakkersuisoqarfik
 Avannaata Kommunia
 Qeqqata Kommunia
 Kommuneqarfik Semersooq

Kommune Kujalleq
Kommune Qeqertalik
KANUNUPE
INI A/S
Iserit A/S
SIK (Sulinermik Inuussutissarsiateqartut Kattuffiat)
Sulisitsisut (GE)

Grønlandsbanken A/S
Bank Nordik, Nuuk
Finanstilsynet
Finans Danmark

Grønlands Ejendoms kontor
Ejendoms kontoret Igdlo
Lynges.gl
Netbolig.gl
LM Ejendomme

Peqqinnissaq Pillugu Kattuffiit (PPK)
Nunatsinni Perorsaasut Kattuffiat (NPK)
Atorfillit Kattuffiat (AK)
IMAK (Ilinniartitsisut Meeqqat Atuarfianeersut Kattuffiat)
Kalaallit Nunaanni Ilinniagartuut Kattuffiat (ASG)

Tusarniaanermut akissuteqaatit teknikkikkut kukkunernut kiisalu oqaatsitigut kukkunernut amigaataasunullu oqaaseqaatinik imaqartut, annertunerusumik oqaaseqarfigineqaratik siunnersuummut ilanngunneqarput. Missingiutip najoqqutassatigut imarisaannut tusarniaanermut akissuteqaatit allat tiguneqartut, pingaarnertigut issuarneqarput aammalu matuma kinguliani oqaaseqarfigineqarlutik.

Tusarniaanermut piffissaliussap naanerani tusarniaaffigineqartunit makkunanga akissuteqaat tiguneqarpoq, tusarniaanermut akissuteqaatinut oqaaseqaatit uingasumik allanneqarput:

Kalaallit Nunaanni Ilinniagartuut Kattuffiat (ASG) kiisalu Pinngortitamut Avatangiisinullu Naalakkersuisoqarfik oqaaseqaatissaqanngillat.

Siunnersuummut tunngavigineqartut Igdlo ApS-ip paasillaarsinnaavai; sulisartut nalinginnaasut inissiamik pisinissamut periarfissaqarnissaannik qulakkeerinissaq. Taamaakkaluartoq illuliortiternernut aningaasalersuineq kisiat pillugu, ineqarneq pillugu politikeqarnikkut kisimi anguneqarsinnaanngitsoq Igdlo ApS-ip ersarissarpaa. Ilaatigut

innuttaasut pisortat attartortittagaannik attartortut namminneq inissiarthaarnissaannik kajumissaarnerullugit, ineqarneq pillugu politikimi immikkoortut allat aamma sammineqartariaqaraluartut.

Tassunga atatillugu paasisutissiissutigineqarsinnaavoq, ineqarnermut tunngasunik, ineqarnermut tamakkiisumik pilersaarummik taaneqartumik, Naalakkersuisut annertunerusumik misissueqqissaarmata. Misissueqqissaarnermit inerniliussat suli naammassineqanngillat. Ineqarneq pillugu aaqqissuusseqqinnermut atatillugu Naalakkersuisut allannguutissatut siunnersuummik massakut saqqummiipput. Taamaattumik allannguutissatut siunnersuut, ineqarneq pillugu politikimut immikkoortutut isigineqassanngilaq.

Inissianik attartortitsisarnermi pisortat inissiaataat amerlanerunerat, namminersortullu attartortitsisartut ikinnerunerat Igdlo ApS-ip ersarissarpaa. Taamatut naligiinngitsigisumik agguataaqqaneq, massakut inatsisissatut siunnersuutitigut aamma annertusiinnarsinnaasoq. *Inuit amerlanerusut namminneq inissiassaminnik sanaartortitsinissaminnut taarsigassarsitinneqarnissaannut periarfissaasa annertusineqarnissaat, allannguutissatut siunnersuutitigut siunertaavoq. Aningaasaliisartut inissialiornissamut aningaasalersuinnermut pisortanit taarsigassarsinatik, inissiatut attartortittakkanut aamma atorineqarsinnaasunik, inissialiornissamut suli periarfissaqassapput.*

Igdlo ApS isumaqarpoq, pisortanit taarsigassarsitinneqarluni inissiat piusut pillugit, aningaasaliisartut akornanni iluanaaruteqarnissamik politikissap annerusumik pilersitsisinaanera siunissami qaninnerusumi eqqarsaatigineqartariaqartoq, tamannalu niuerfimmi pisisartut nalinginnaasut peqataanissamut periarfissaqarfiginngissinnaasaanni, niuerfimmik pilersitseqataasinnaavoq. Aammattaaq tamanna inissianut allanut – pisortanit taarsigassarsiviusimannngitsunut sivikitsumik akilersugassanut - qanoq sunniissanersoq apeqqutaavoq.

Illulioriternernut aningaasalersuinnissami taarsigassarsitinneqarsinnaanissaq inunnit amerlanerusunit iluaqutigineqarnerunissaa, siunnersuutip siunertaraa. Inissiat pisortanit taarsigassarsiaqarfigineqanngitsut imaluunniit sivikitsumik akilersorneqartussat tunineqartarlutik, niuerfeqareerpoq.

Inissianik ineriartortitsisartut – ilanngullugit entreprenørit aamma aningaasaliisartut nammineerlutik inissialiortartut – tusarniaaffigineqartut allassimaffianniinngitsut, Igdlo ApS-ip taamatuttaaq oqaatigaa. Tamanna Igdlo ApS-ip eqqumiigaa, tassami atuilernissamut akuersissutip tunniunneqareernerata kingorna qaammatit 6-it qaangiunneranni pisortat taarsigassarsiarititaasa akiligassanngortarnerat pillugu siunnersuummi § 9b, imm. 2, illunik ineriartortitsisartunut namminersortunut, ilaatigut inissianik nammineerluni sananeqartunik inuiaqatigiinnut iluaqutaasartunut, annertuumik aarlerinartorsiorititsisussatut isigineqarsinnaassasoq ilimanarmat. Taamaattoq Sulisitsisut tusarniaaffigineqartut akornanniinnerat Igdlo ApS-ip maluginiarpaa, taamaattumillu siunnersuut ilaatigut

illuliornernik inuussutissarsiuteqartuni Sulisitsisut ilaasortaannut anngutissasoq ilimagineqartariaqarpoq.

Allannguutissatut siunnersuut Naalackersuisut tusarniaanermut nittartagaanni tamanit pissarsiarineqarsinnaasimavoq, tassani tusarniaanermut akissuteqarusuttut periarfissaqarsimallutik.

Illulioriternernut aningaasalersuineq pillugu inatsisip allanngortinneqarnissaa Peqqissutsimut Naalackersuisoqarfiup ernumanartutut isigaa. Tunisinissaq siunertaralugu nutaanik inissialiornissami aningaasalersueqataanissamut sanatitsisoq pisortanit taamaallaat taarsigassarsitinneqarsinnaassaguni, peqqinnissaqarfiup sulisuminik inissianik quleriiaani il.il. inissiiniarluni attartornissaanut periarfissai ajornarnerulersinnaapput, akisunerulersinnaalluniluunniit. Peqqinnissaqarfiup sulisunut inissianik nutaanik sanaartortitsinissaanut pingaarnertut atuiffimmi 20.11.70-imi Suliniutinut nutaanut 2022 tikillugu ukiumut 3 mio. koruuninik immikkoortitsisimaneq, Peqqissutsimut Naalackersuisoqarfiup ilanngullugu innersuussutigaa.

Peqqissutsimut Naalackersuisoqarfiup tassunga atatillugu kontumut pingaarnermut taaneqartumut tassunga missingersuutinut ilanngussaq innersuussutigaa, tassani ilaatigut makkua paasissutissiissutigineqarput:

”Pingaartumik Nuummi peqqinnissaqarfimmi sulisunut inissianut atatillugu unamminartoqarpoq, matumani ilaatigut sulisussarsiorneq atorfeqartitsiinnarnissarlu sunnerneqarlutik. Sulisunut inissianut unamminartoqarnerani ilaatigut inimik tunineqarnissamut sivisuumik utaqqisoqartarnera pineqarpoq. Peqqinnissaqarfimmi inissianik pisariaqartitsineq matussuserniarlugu namminersortutut attartortitsisartut aqputigalugit inissiat 25-t missaat maannakkut attartornissaannut atatillugu isumaqatigiissuteqarfigineqarsimapput. Tamanna qaammammut 300.000 kr.-nik ukiumullu 3,6 mio.kr.-nik aningaasartuutaavoq. Naliliineq malillugu namminersortutut attartortitsisartunit attartornermik taamaatitseriarluni aningaasartuutillu sipaarutaasut aammalu 2022-miit ukiumut 3 mio.kr.-t immikkoortinneqartut atorlugit 60-inik sulisunut inissianik sanasoqarsinnaalissasoq taamaaliornikkullu sulisunut inissiat amerleriangaatsiarneqarsinnaasut. Illuut A/S-ip ataani inissiat assigalugit taarsigassarsiniartarfiit aningaasaliissuteqarnerisigut sulisunut inissianik sanasoqarumaarpoq.”

Peqqissutsimut Naalackersuisoqarfik naliliivoq, inatsimmut allannguutissaq siunnersuutigineqartoq siuliani taaneqarluni suliniutip ingerlannissaa ajornartorujussuussasoq. 2020-mi juulip aallaqqaataani atuutsilersinniarneqarnera aamma qanippallaarsorinarpoq.

Peqqissutsimut Naalakkersuisoqarfiup tamatumunnga tunngatillugu ernumanerattut Naalakkersuisut ernumanngillat. Sulisunut inissianik nutaanik sanaartornissamut ukiunut aningaasanut inatsisitigut ukiumut aningaasanik immikkoortitsisoqartareerpoq, taakkunungalu allannguutissatut siunnersuut sunniuteqartussaangilaq. Tamatuma saniatigut Naalakkersuisut isumaqarput, atuutsilersinneqarnissaanut piffissaliussassatut siunnersuutigineqartoq naapertuuttoq. Piffissaq atuutilerfissaa 2021-imi januaarip aallaaqqaataanut allanngortinneqarpoq, tassami siunnersuut aatsaat Inatsisartut ukiaanerani ataatsimiinnerisa nalaanni suliarineqartussanngorlugu saqqummiunneqartussaammat. Tamatuma saniatigut inissianut tamakkiisumik pilersaarummi suleqatigiissitaliaqarpoq, tassani sulisunut inissiat ilaatinneqarlutik.

Isumaginninnermut, Inatsisinillu Atuutsitsinnermut Naalakkersuisoqarfik (IAN) ataatsimut isigalugu isumaqarpoq, pissutsinut equngatitsissutaasussanut pisortat aningaasaliinissamik neqerooruteqartariaqanngitsut. IAN-ip nalilerpaa, tamanna siunnersuutitigut unitsinneqassasoq.

Naalakkersuisut tamanna tusaatissatut tiguaat.

Inissianik ujartuineq annertujartuinnartillugu, tuniniarneqartartullu ujartuinnermut matussusiinnaatinnagit, inissianik amerlavallaanik sanaartortoqarsinnaassasoq ilimananngilaq. Inunnut attartortinneqartartunut, inissiallu inunnut tuniniarneqartartunut kvadratmeterimut akigitat qaffasissorujussuupput. Tamatuma kingunerisaanik, isumannaatsumik qularnaveeqqusiussaqarluni taarsigassarsisitsisartunit assinganik annertuumik taarsigassarsisoqartassajunnarsivoq. Sanaartornissami aningaasalersuinissamik pisortat neqerooruteqarnerisa kingunerisaanik, inuiaqatigiit aningaasaqarnerinut equngasumik kinguneqarsinnaanera IAN-ip ilanngullugu ersarissarpaa.

Naalakkersuisut kissaatigaat, aningaasalersuinissami pisortat periarfissiisutaat iluaqutaasinnaaffini naleqquttumik iluaqutaasinnaanngorlugit, innuttaasut imminnut inissianik pilersorsinnaasut sapinngisamik amerlanerpaat periarfissanik piusunik atorluaassasut.

Kiisalu IAN isumaqarpoq, inatsisip allanngortinneqarnissaanik siunnersuuteqarnikkut tulliuuttut qulakkeerneqassasut:

- Kommunit karsiisa artukkerneqartarnerat eqqugaasarnerallu annikillissaaq
- Taarsigassarsitinneqarnissamik qinnuteqaatit suliarineqartarnerini ukiumut sulinerit annikillissapput
- Pisortat aningaasaataat annertuumik sanaartornernut atorneqaratik, siunertanut allanut atugassanngortinneqassapput
- Taarsigassarsisitsisartunit, aningaasaleeqataasartunillu inuit atuinerat annertusisinnaavoq

Pisortat ingerlatsinerat annikinnerusumik artukkerneqalerpat, assersuutigalugu isumaginninnikkut suliassanut, matumani ineqarneq ilanngullugu, kommuninut nukiiit annertunerusut ingerlateqqinneqarsinnaalissagaluarpot.

Illuliortiternernut aningaasalersuinissami aningaasanit immikkoortitanit kommuninut nuutsisoqarnikuvoq, inissianillu ujartuineq iliuuseqarfigisinnaaqullugu, illuliortiternernut aningaasat immikkoortitat kommuninit tamakkiisumik atorluarneqassasut Naalackersuisut kissaatigaat.

Vagn Andersen Grønlands Ejendomskontor/Grønlands Ejendomsselskab aqqutigalugu tusarniaanermut akissuteqarpoq, tassani siunnersuut tapersorsorlugu. Vagn Andersen-ip isumaa malillugu pisortat inissianut aningaasalersuinerat pillugu inatsit taamatut aallaqqaataaniilli ilusilersorneqarsimasussaagaluarpot. Kisiannili inatsisaaqqaartoq pisortat inissiaataannik allatut ilusiliinermik tunngaveqarpoq, aammalu pisortat suliffeqarfii inissianut normunik arsaarneqartut, atugassarititaasut naapertuunnerulaartut tunngavigalugit sulisunut inissialiornissamat periarfissinniarlugit aqqissuussineq ilaatigut atuutsinneqalerpoq. Taamaattoq Vagn Andersen-ip oqaatigaa pisortat aningaasalersuinissamat periarfissaqarnerat suliffeqarfinnut sulisunut inissianik pisariaqartitsisunit taamaallaat atorneqanngitsoq, kisianni aamma iluanaarniapilunnissamik siunertaqartumik atorneqartoq, tamannalu soorunami aqqissuussinermi siunertaasimangilaq.

Ullumikkut suliaqartut amerlanerusut pisortanit aningaasalersorneqartunik, annertunerpaatigut pisinermt nammineerluni aningaasalersuisinnaanerup marloriaataannut attartortinneqartartunik inissialiortartut, Vagn Andersen-ip oqaatigaa. Ullutsinni inissiarpaaluit attartortitsisartunit ataasiakkaanit, annertunerpaatigut pisinermt nammineerluni aningaasalersuisinnaanerup marloriaataannut attartortitsisartunit, mattusimatinneqarput. Siunissami inatsit illuutitut niuerfimmi ingerlalluarnersitseqataasussaavoq; ataasiakkaat pisariaqartitsineq malillugu inissiamut annerusumut minnerusumulluunniit nuunnissamat periarfissarissaarnerulerlutik.

Inatsisartut inatsisaat ilaannut siunertaanngitsumik kinguneqarsinnaasoq Naalackersuisut ilisimaaraat. Tamanna tunuliaqutaralugu Naalackersuisut siunnersuummik saqqummiussippot, suliniutinillu allanik aallartitsillutik.

Kommune Kujalliap maluginiarpaa, illuliortiternernut aningaasalersuinissami pisortat taarsigassarsiissutigisartagaat inissianik attartortittagassanik sanaartornissamat pissarsinissamulluunniit atorneqartarnissaat, inatsisissatut siunnersuutikkut pinngitsoortinniarneqartoq. Innuttaasut suli amerlanerusut inigisaminnik namminneq piginnittunngornissaat kommunip kissaatigaa, ilutigalugulu pisortat attartortittagaasa ilungersunartumik inissisimanerat annikillisinneqassasoq kommunimut pingaaruteqarluni.

Taamaakkaluartuq kommune Kujalliup ilanngullugu oqaatigaa, illuliortiternernut aningaasalersuinissami taarsigassarsisitsisarnermi inissianik attartortittagassanut taarsigassarsisitsisarnissaq ilaatinneqanngivissornissaa aallaqqaammut eqqarsaataasimanngitsoq, kommunillu inatsisartut peqqussutaat atorunnaarsinneqarnikuulluni 2007-imeersup piareersarneqarnera innersuussutigaa. Kommunip kissaatigilluinnarpaa, kommunimi inuutissarsiornerup nukittorsarneqarnissaani kommunip pissusissatut isigalugu suliffeqarfiit namminersortut, pisortallu sulisunut inissiassanik sanaartornissaanni aningaasalersorneqarsinnaanissaat, illuliortiternernut aningaasalersueriaatsip allanngortinneqarnissaanik siunnersuutitigut akimmiffinngortinneqassanngitsoq.

Naalackersuisut kissaatigaa, aningaasalersuinissami pisortat periarfissiisutaat iluaqutaasinnaaffini naleqquttumik iluaqutaasinnaannorlugit, innuttaasut imminnut inissianik pilersorsinnaasut sapinngisamik amerlanerpaat periarfissanik piusunik atorluaassasut. Entreprenørit annerit tunisinissaq siunertaralugu inissianik suli sanaartorsinnaanissaat, ilutigalugu suli periarfissaassaaq.

Kommune Kujalliup ersarissarpaa, siunnersuummi oqaasertaliussat ersarinnerusinnaagaluartut imaalillugu, sulisunut inissiat, inissiallu inuutissarsiornermut attuumassuteqaratik attartortinneqartut eqqaassanngikkaanni, inissiat taarsigassarsitinneqarluni sanaartorneqarsimasut attartortinneqartassanngitsut.

Naalackersuisut tamanna tusaatissatut tiguaat, taamaakkaluartorli siunnersuummik saqqummiussisoqarnissaa suli pisariaqartoq nalilerlugu.

Ataatsimut isigalugu Kommuneqarfik Sermersuup nalilerpaa, siunnersuutitigut namminersortut attartortitsisarnerini aningaasaleeqataasannginnissamik siunertaqarneq anguneqartoq. Taamaakkaluartuq siammasinnerusumik isigaluni naleqqutinngitsunik kinguneqartussaasoq nalilerneqarpoq.

Kommuneqarfik Sermersooq isumaqarpoq, kommunit siumut neriorsuutininik malittarinnillutik suliaqartarnerat eqqarsaatigalugu, kommunit allaffissornikkut suliaqartarnerinut allannguutissatut siunnersuutigineqartoq ilungersunartumik inissiissasoq. Inissiat sorliit tunineqarsimanersut kommuni eqeersimaartumik nakkutilliissaaq. Kommuneqarfik Sermersuup nalilerpaa, suliassaq annertoorujussuussasoq, sanatitsisunullu namminersortunut aningaasaliisartunulluunniit aalajangersagaq iluaqutaasussaannngimmat, tamanna pillugu kommunimut nalunaaruteqartarnissaminnik soqutiginnissanngimmata, qularnanngitsumik kommuni taamaalilluni ujartuisalissasoq. Kommunit taarsigassarsiissutinik suliaqartarnerini, allannguutip kingunerisaanik kommunit nutaanik suliassaqalissapput, nutaanillu suleriaaseqalissallutik.

Allannguutissatut siunnersuutip kingunerisaanik, kommunit allaffissornikkut suliaqartarnerini ilungersunartumik inissiissanngitsoq nalilerneqarpoq. Kommuni taarsigassarsisitsisutut, piginnittut allanngorneri pillugit ilisimatinneqartassaaq. Taamaattumik kommuni paasissutissanik allanik tiguisimatinnagu naatsorsuutigineqartariaqarpoq, sanatitsisoq inissianik suli piginnittoq, qaammatillu arfinillit qaangiunnerini taarsigassarsisitsinissamik siumut neriorsuut atorunnaassalluni. Sanatitsisoq inissianik tunisinissaminut kajumissuseqalissaaq. Tamatuma saniatigut oqaatigineqarsinnaavoq, taarsigassarsititsinermut suliassanik suliarinninnermut akiliuteqartitsinissamut kommunit periarfissaqareermata.

Tamatuma saniatigut nalilerneqarpoq, pingaartumik Nuuk eqqarsaatigalugu innuttaasut amerliartornerat, inissianillu amigaateqarnek annertoreertillugu, Nuummi illoqarfimmik ineriartortitsinermut iluaqutaassanngitsaq. Kommunip pilersaarusiordfigineqarneratigut sanaartorfissat ilaqutariinnut ataatsinut immikkoortinneqaratik, inissiarsuarnut immikkoortinneqarnissaat siunertaavoq. Taamaattumik inuit ataasiakkaat ilaqutariinnut ataatsinut inissianik sanaartornissaannik siunertaqarnermut, Nuummi pilersaarutissatut tunngavigisat tunngavissiinnigilaq.

Ilaqutariinnut ataatsinut sanaartornissaq kisimi kajumissaarutaanngilaq, sumiiffinnulli ataasiakkaanut naleqquttunik inissianik assigiinngitsunik sanaartortoqarnissaa kajumissaarutaalluni. Taamaalilluni inuinnaat inissianik pisisoralugit, inissiarsuarnik sanaartornikkut tamanna aamma naammassineqarsinnaavoq.

Qaammatit arfinillit iluini inissiat tunineqarnissaannik piunasaqaaserlugu taarsigassarsiissutigineqartartut nalorninarnerusunnegortinneqarnerisigut namminersortunut atugassarititaasut ajorseriartinneqarunik, inissianik nutaanik sanaartornermut annikillisaataaqinammat Kommuneqarfik Sermersuup ernummatigaa. Ullutsinni inissianik sanaartornermi piffissaq atorineqartartoq malillugu sanaartorusussuseq qularnanngitsumik appartinneqassaaq. Taamaaliornermi inissaaleqinerup iluarsivigineqarsinnaannginnera aarlerinaateqarpoq.

Naalackersuisut kissaatigaat, aningaasalersuinissami pisortat periarfissiissutaat iluaqutaasinnaaffini naleqquttumik iluaqutaasinnaanngorlugit, innuttaasut imminnut inissianik pilersorsinnaasut sapinngisamik amerlanerpaat periarfissanik piusunik atorluaassasut. Entreprenørit annerit tunisinissaq siunertaralugu inissianik sulii sanaartorsinnaanissaat, ilutigalugu sulii periarfissaassaaq.

Inuit ilaqutariinnut ataatsinut inissiamik sanaartorusullutik, taarsigassarsitinneqarnissaminnik siumut neriorsuutissamik qinnuteqaataannik Kommuneqarfik Sermersuup tigusarnera annertunngilaq. Nutarterinissamat taarsigassarsitinneqarnissamik qinnuteqaatit taamatulli ipput. Qinnuteqaatit tiguneqartartut eqqarsaatigigaanni, taarsigassarsitinneqarnissamik siumut neriorsuummik qinnuteqartut tamaasa tunisarpaat, taamaakkaluatorli taarsigassarsiissutissat qinnuteqarnermit tunniunneqarnek ajorlutik. Kommuneqarfik Sermersuup taamaalilluni qinnuteqartunut tamaginnut kommunip tigusaanut taarsigassarsititsinissamik neriorsuuteqarsinnaammat, sooq inatsimmut allannguutissatut siunnersuutigineqartut pisariaqarnermut kommunip takujuminaatsippaa.

Ilaqutariinnut ataatsinut sanaartornissaq kisimi kajumissaarutaanngilaq, sumiiffinnulli ataasiakkaanut naleqquttunik inissianik assigiinngitsunik sanaartortoqarnissaa kajumissaarutaalluni. Taamaalilluni inuinnaat inissianik pisisoralugit, inissiarsuarnik sanaartornikkut tamanna aamma naammassineqarsinnaavoq.

Kalaallit Nunaanni Sulisitsisut Naalackersuisunut innersuussutigaat, siunnersuut taamaatiinnarneqassasooq. Pisortat inissianut aningaasalersuinerat inissianik attartortittakkanik sananissamat /pisinissamat tunngavissatut, aningaasaliinermut suliniutitut, atorineqarnissaat immaqqa siunertaasimanngitsaq, Sulisitsisut akuersarpaat. Kisiannili taamaaliornermi inissianik pilersuinermi, pingaartumik Nuummi pisariaqarlunnartumi, ingerlaavartitsilersimaneq, Sulisitsisut tikkuarpaat. Taamaaliornermi inuit inissaaleqisut isumatusaartumik akeqartitsilluni aammalu pitsaasumik pitsaassusilimmik initaarnissamat periarfissinneqarsimapput.

Inatsisartut inatsisaat ilaannut siunertaanngitsumik kinguneqarsinnaasooq Naalakkersuisut ilisimaaraat. Innuttaasut sapinngisamik amerlanerpaat imminnut inissiamik pilersorsinnaasut, periarfissanik atuuttunik atorluaanissaat Naalakkersuisut kissaatigaat, taamaalilluni naapertuutsillugu pisortat aningaasalersuinissamut periarfissiinerat iluaqutaassalluni. Peqatigisaanik entreprenørit annerusut tuniniaqqinnissaat siunertaralugu inissialiornissamut suli periarfissaqassaaq. Aningaasaliisartut taamatuttaaq inissianut aningaasalersuineranut pisortanit taarsigassarsinatik, inissiatut attartortittakkatut atorneqarsinnaasunik, inissialiornissamut suli periarfissaqarput.

Tamatuma saniatigut Kalaallit Nunaanni Sulisitsisut isumaqarput, pisortat attartortitagassaminnik namminneerlutik inissialiortitsinissaannut sanilliukkaanni, ullumikkut taamatut aningaasaleeriaaseq pisortanut akikinnerusooq. Tassunga ilanngullugu pisortat attartortitagaataannik aqutsisoqartarmat, pisortat matumani aqutsissanngillat. *Naalakkersuisut kissaatigaat, aningaasalersuinissami pisortat periarfissiisutaat iluaqutaasinnaaffiini naleqquttumik iluaqutaasinnaanngorlugit, innuttaasut imminnut inissianik pilersorsinnaasut amerlanerpaat periarfissanik piusunik atorluaassasut. Entreprenørit annerit tunisinissaq siunertaralugu inissianik suli sanaartorsinnaanissaat, ilutigalugu suli periarfissaassaaq.*

Tamatuma saniatigut Kalaallit Nunaanni Sulisitsisut isumaqarput, taamatut aningaasaleeriaaseq ukiut arfineq-marluk ingerlanerini atorunnaarsikkiartuaarneqartussaammatt, siunnersuut ingasaassilluni takorluuinerusooq. Atorunnaarsitsiartuaarnerup kingunerisaanik, tamatumunnga tunngatillugu namminersortunut taarsigassarsitsisarneq/tiguisarneq siunnersuutitigut unitsinniarneqartoq, ukiunit marlunnit pingasut tungaannut taamaallaat atuutissaaq. *Illuliortiternernut aningaasalersuineq naapertorlugu Nuummi taarsigassarsitinneqarnissamut periarfissat atorunnaarsikkiartuaarneqarnerat Naalakkersuisut eqqummaariffigaat, maluginiaqqulluguli Inatsisartut inatsisaat nuna tamakkerlugu atuummat. Taamaalilluni Nuummiinnaanngitsoq illoqarfinni anginerusuni assinganik ajornartorsiortoqarsinnaavoq.*

Inissiarsuarnik sanaartortoqarpallaarunnaarnissaanut kinguneqaataasinnaasunut, tusarniaanissaq sioqqullugu ersarinnerusumik misissuisoqarsimanersooq oqaaseqaatini takuneqarsinnaannginnera Nunatsinni Advokatit ersarissarpaat. Tamatuma kingunerisaanik, inissarsiortunut attartortitassat amerlavallaarunnaarnissaat naatsorsuutigineqartariaqartoq, tamannalu attartornermut akiliutip angissusaanut aammalu innuttaasup initaarnissamut periarfissaannut sunniuteqassasooq naatsorsuutigineqartariaqarpoq. *Naalakkersuisut kissaatigaat, aningaasalersuinissami pisortat periarfissiisutaat iluaqutaasinnaaffiini naleqquttumik iluaqutaasinnaanngorlugit, innuttaasut imminnut inissianik pilersorsinnaasut amerlanerpaat periarfissanik piusunik atorluaassasut. Entreprenørit annerit tunisinissaq siunertaralugu inissianik suli sanaartorsinnaanissaat, ilutigalugu suli periarfissaassaaq, immaq ullutsinnut naleqqiullugu*

taamarsuunnigikkaluartoq, sulili periarfissaassaaq. Tamannali ersarinnerusumik misissuiffigineqarnikuunnigilaq.

Malittarisassat allanngortinneqarnissaanni kingunissat ersarissumik misissorqarsimatinnagit, innuttaasut inissaqarnissaminnik tunngaviusumik pisariaqartitaannut tunngatillugu malittarisassanik allannguiniarneq ernumanartutut Nunatsinni Advokatit isigaat.

Pissutsit massakut taamaatsillugit, periarfissaq entreprenørinut ataasiakkaanut iluaqutaavoq. Illuliortiternernut aningaasalersuinissami aningaasat immikkoortinneqartut, innuttaasunit pisariaqartitsisunit atorneqarnissaannut siunnersuut ammaasseqataassaaq. Taamaattumik innuttaasut imminnut inissianik pilersorsinnaasut, imminnut ilaquuttaminnullu inissianik sanaartortitsisinnaanissaat allannguutissatut siunnersuutitigut siunertaavoq.

Siunnersuut pisortanut allaffissornikkut sunniuteqassasoq ilimagineqartariaqartoq, Nunatsinni Advokatit oqaatigaat, taamaalilluni taarsigassarsinissamik qinnuteqartoqarnerani, siunissami qinnuteqartumut tassunga siusinnerusukkut taarsigassarsititsisoqarsimasinnaaneranut tunngatillugu, misissuisoqartartussaassalluni. Taamaaliornermi taarsigassarsititsinissamut neriorsuuteqarnermut atatillugu piffissaq suliaassanik suliarinninnermut atorneqartartoq aamma sivitsussasoq ilimagineqartariaqarpoq, tamannalu sanatitsisup illuliornermik piviusunnigortitsinissaanut annertuunik sunniuteqarsinnaassalluni.

Pisortanit taarsigassarsiaqarluni inissianik tunisinissami akigititassap inissinnissaani, taarsigassarsiissutigineqartartut nangingneqarsinnaassanersut nangingneqarsinnaassannginnersulluunniit aalajangersakkat apeqqutaanissaat, tamannalu qularnaveeqqusiusaqaarluni taarsigassarsinermi allagartami uppersarsineqarsinnaajunnaarnissaa Nunatsinni Advokatit ersarissarpaat. Taassuma kingunerisaanik tunisiniarnermi aningaasartuutit aamma qaffassasut kiisalu tunisinerit tamarmik illunik tuniniaasartoq imaluunniit advokati aqqutigalugu ingerlanneqarneq ajormata, inissiamik tunisiniarnermi assigiinngitsutigut aningaasartuutit naggataatigut qaffaratarsinnaallutik kukkuluttornissat annerusinnaasut naatsorsuutigineqartariaqarpoq. *Naalakkersuisut tamanna tusaatissatut tiguaat. Taarsigassarsiissutit nangingneqarsinnaanersut nangingneqarsinnaannginnersulluunniit inissianik naliliinermi sillimaffigineqartussaajunnaarlugu, erniaqanngitsunik taarsersugassaanngitsunillu taarsigassarsiissutigineqartut nangingneqarsinnaanngitsut illunik tuniniaasartup advokatilluunniit aallaqqaataaniilli aamma ilimagisinnaavaat. Taarsigassarsiissutit nangingneqarsinnaatillugit pisisumut iluaqutaaginnassaaq, akimillu aalajangiinissami isiginiarneqassanatik.*

Nunatsinni Advokatit isumaqarput, qaammatinik arfinilinnik piffissaliussaq qaqugukkut atuutilissanersaq siunnersuutigineqartumi § 9 b-mi imm. 2-mi ersarluttoq.

Inissiamut atuisinnaanermik akuersissummik tunniussivimmit piffissaliussaq atuutissaaq.

Inissianut atuilernissamik akuersissutip nalunaarutigineranit kingusinnerpaamik qaammatit arfinillit qaangiunnerisigut inissiat tunineqarsinnaappata, sanatitsisut namminersortut nutaanik inissialiornissamut taarsigassarsitinneqarnissamut neriorsuummik sulit tunineqarsinnaanerit Banknordikip erseqqissaatigaa. Taamatut allannguisoqassappat aningaaserivimmi aningaasalersuinissaq eqqarsaatigalugu sanatitsisut namminneq aningaasalersuinissaannut piumasqaatit annertunerulingikkunik, sanaartornissaq aallartinneqartinnagu sanaartukkat tamakkerlugit tunineqarnissaat pillugu piumasqaasiortoqassaaq.

Pissutsit massakut taamaatsillugit, periarfissaq entreprenørinut ataasiakkaanut iluaqutaavoq. Illuliortiternernut aningaasalersuinissami aningaasat immikkoortinneqartut, innuttaasunit pisariaqartitsisunit atorneqarnissaannut siunnersuut ammaasseqataassaaq. Taamaattumik innuttaasut sapinngisamik amerlanerpaat imminnut inissianik pilersorsinnaasut, imminnut ilaqtutaminnullu inissianik sanaartortitsisinnaanissaat allannguutissatut siunnersuutitigut siunertaavoq.

Nutaanik inissialiortarneq annikillisinneqassappat, qanoq pisoqaraluarpulluunniit suliffissaqartitsiniarneq aamma akileraarutitigut isertitat annikillissusaassasut, Banknordik-ip oqaatigaa.

Banknordikip ilanngullugu erseqqissaatigaa, inissaaleqinermi suliffeqarfiit sulisutik inissaqartikkumallugit ullutsinni inissianik pisisartut allatut ajornartumik akisunerusunik inissianik pisisalertariaqassasut, tamatumalu malitsigisaanik inissianik pisisarneri annikillissasoq naatsorsuutigineqarsinnaasoq.

Naalackersuisut tamanna tusaatissatut tiguaat. Innuttaasut nalinginnaasut inissiamik pisinissaat allannguutissatut siunnersuummi Naalackersuisut ajornannginnerulersinniarpaat.

Banknordikip nalilerpaa, selskabit inissianik attartortitsisarnermik annerusumik ingerlataqarlutik inissianik amerlanerusunik tuniserusuttunut, tunisineri akigititanut annertuumik sunnuteqarsinnaasoq. Suliffeqarfimmi kinguaariit nikissasut kissaatigineqarpat taamatullu pisoqassasoq aamma isumaqarput, inatsisissatummi siunnersuut naapertorlugu taarsigassarsiissutit akilerneqaratarnissaannik kinguneqassammat.

Naalackersuisut tamanna tusaatissatut tiguaat. Taarsigassarsiissutit nanginneqarsinnaanersut nanginneqarsinnaannginersulluunniit inissianik naliliinermi sillimaffigineqartussaajunnaarlugu, erniaqanngitsunik taarsersugassaannngitsunillu taarsigassarsiissutigineqartut nanginneqarsinnaanngitsut illunik tuniniaasartup advokatilluunniit aallaqqaataaniilli aamma ilimagisinnaavaat. Taarsigassarsiissutit nanginneqarsinnaatillugit pisisumut iluaqutaaginnassaaq, akimillu aalajangiinissami isiginiarneqassanatik.

Inatsisissatut siunnersuummi inissiarsuarnik amerlasoorsuarnik inissiartalinnik nutaanik sanaartorneq annikillisinneqassasoq ilimanaateqartoq, siunnersuummut nassuiaatini allassimasoq, Banknordik-ip maluginiarpaa. Tassunga tunngatillugu Banknordik-ip oqaatigaa,

immikkoortunik ikittunik sananissaq immikkoortunik amerlasuunik sananissamit akisunerusoq, taamaalillunilu illuliornermut akigititaq qaffannerat sunniutigisussaallugu.

Aammattaaq Banknordik-ip oqaatigaa, inissiat amerliartortinneqarunnaarpata, Nuummi maannakkut innuttaasut amerliartorneranni attartortitsisarneq tatisimaneqalertussaavoq, tamannalu taamatutaaq akigititat qaffannerannik malitseqarsinnaasoq.

Banknordik naliliivoq, siunnersuut qanoq pisoqaraluarpalluunniit suleriaatsimik nunaminertanik neqeroornermi atuutsinneqalersumik annikillisitsissasoq naatsorsuutigineqartariaqartoq, tassani inuussutissarsiortut namminersortut najukkamut pilersaarummut siunnersuummik suliaqartarnissaat kissaatigineqarpoq, aammalu sanatitsisup nammineerluni sanaartorfissagissaaneq isumagisussaallugu.

Innuttaasut sapinngisamik amerlanerpaat imminnut inissiamik pilersorsinnaasut, periarfissanik atuuttunik atorluanaanissaat Naalakkersuisut kissaatigaat, taamaalilluni naapertuutsillugu pisortat aningaasalersuinissamut periarfissiinerat iluaqutaassalluni. Peqatigisaanik entreprenørit annerusut tuniniaqqinnissaat siunertaralugu inissialiornissamut suli periarfissaqassaaq. Aningaasaliisartut taamatutaaq inissianut aningaasalersuinnermut pisortanit taarsigassarsinatik, inissiatut attartortittakkatut atorneqarsinnaasunik, inissialiornissamut suli periarfissaqarput.

Inissiamik pisisoq inissiaminik qimataminik suli tunisinani inissiarsippat, assersuutigalugu inissiaq aatsaat qaammataluit qaangiuppata tunineqarsinnaatillugu, pisisoq marlunnik inissiaateqalernissaa Banknordikip ersarissarpaa. Tassani piginnittut nikinnissaanni pisisoq ajornartorsiuteqalissammat, eqaannerusumik ikaarsaartoqarsinnaanissaa inatsisissatut siunnersuummi amigaatiginarpoq.

Naalakkersuisut tamanna tusaatissatut tiguaat. Taamaakkaluartoq pisisoq inissiamik qimataminik suli tunisinani taarsigassarsitinneqarnissaminik siumut neriorsorneqarsinnaasimappat, pisisoq erniartaqannigitsunik taarsersugassaannigitsunillu taarsigassarsitinneqarsimanani pisisinnaassasoq naatsorsuutigineqartariaqarpoq.

Kiisalu Banknordikip oqaatigaa, §§ 5-8 naapertorlugit pisortanit taarsigassarsiissutit piginnittut nikinnerini akiligassanngortinneqassasut, taamaalillunilu aamma suliffeqarfimmi kinguaariit nikinnerini.

Tamanna ilumoorpoq.

Tamatuma malitsigisaanik suliffeqarfiit tunngaviatigut piffissami aalajangersimasuni tunineqarsinnaanninnerulersinnaasut, BankNordik naliliivoq. Peqatigisaanik suliffeqarfiit taarsigassarsilluni aningaasalersuinnermut atatillugu tatisimaneqarnerulerneq malugisinnaassavaat.

Inuk inissiamut ataatsimut pisortanit taarsigassarsinnaasoq pillugu inatsisissatut siunnersuummi aalajangersagaq pillugu Grønlandsbanken-ip oqaatigaa, killiliineq taanna inissianik piginnittunut namminersortunut, allamik initaarnissamik kissaateqartunut, nalinginnaasunut tunngatillugu naapertuutinningsunik sunniuteqarsinnaassasoq. Inissianik tuniniaaneq akimmiffilersornissaa imaluunniit akitsorsaanissaa siunertarinagu, aaqqiissut aqutugalugu inuiaqatigiit iluanaaruteqarfiginiarneqannginnissaasa qulakkeerneqarnissaa, inatsisissatut siunnersuutip aalajangersagaatigut siunertaasoq Grønlandsbankip ersarissarpaa. Kalaallit Nunaanni illuutillit arlaqartut pisortanit aningaasalersorneqarnissartik kissaatigisarpaat, illuutillillu anginerusumut nuunnissaminnik kissaateqartut, pisortanit taarsigassarsilluni pisarineqarsimasunik illusinissaminnik nalinginnaasumik kissaateqartarput. Marlunnik illuuteqarnissaq sivikitsuinnaatillugu pisortanit taarsigassarsiissutigineqarsimasut annaaneqannginnissaat pillugu illuutillit illersorneqarnissaannut aalajangersagaliortoqarsinnaassaaq.

Naalakkersuisut tamanna tusaatissatut tiguaat. Erniaqanngitsunik akilersugassaannngitsunillu taarsigassarsitinneqarsinnaaneq, iluanaaruteqarsinnaanermut ajoraluartumik periarfissiivoq. Illup tunineqarnerani nalingata inissinnissaani, erniaqanngitsunik taarsersugassaannngitsunillu taarsigassarsiissutigineqarsimasut eqqarsaatigineqanngippata, tamanna ajornartorsiutaassanngilaq.

Qaammatinik arfinilinnik piffissaliinermut atatillugu Grønlandsbankip ersarissarpaa, taarsigassarsitinneqarnissamik siumut neriorsuut atorunnaarsinneqaratarsinnaanera sanatitsisumut namminersortumut naleqqutinngitsumik annertuumik kinguneqarsinnaasoq. Sanaartornerup nalaani inissianut pisisussaqqanngitsunut taamaallaat taarsigassarsitinneqarnissamik siumut neriorsuut atorunnaarsinneqartartussanngorlugit, sakkukinnerusumik aaqqiissuteqartoqassasoq aningaaseriviup kajumissaarutigaa. Piserusussinnaasunik sanatitsisoq siumut neriorsorneqarsimatillugu, kingornali inissiamik pisisinnaanngitsunut, pisisussamik nutaamik nassaartoqarnissaata tungaanut taarsigassarsitinneqarnissamik siumut neriorsuut atuutsiinnarneqartariaqaralarpoq.

Atuisinnaanermik akuersissummik tunniussinerup kingorna qaammatit arfinillit qaangiunnerini, taarsigassarsisitsinissamik siumut neriorsuut atorunnaassaaq. Taamaalilluni sanaartornerup nalaani, atuisinnaanermillu akuersissutip tunniunneqarneranit qaammatit arfinillit ingerlanerini, inissiamik pisisussamik nassaarnissaminut sanatitsisoq piffissamik periarfissaqarpoq.

Piginnittut nikinneranni pisortat taarsigassarsiarititaasa akiligassanngortarnerat pillugu § 11, imm. 1-imut tunngatillugu, toqusoqarnerani, akiliisinnaajunnaartoqarnerani kattuttoqarneranilu qanoq inissisimasoqarnissaa inatsimmut nassuiaatini isummerfigineqarnissaa Grønlandsbanken-ip ujartorpaa.

Siunissami qaninnerusumi pisisussamik naammattunik nassaartoqaratartoqarsinnaatinnagu inissiat arlallit tassangaannartumik akilerneqartariaqaratarnissaat patsisaalluni, inissiat akiisa

tassanngaannartumik nikeratarsinnaanerit pillugu aningaaserivik
mianersoqqussuteqartassasoq, inatsisissatut siunnersuutitigut anguniagaq ersarittoq
Grønlandsbankip oqaatigaa. Kalaallit nunaanni illoqarfinni inissianik tuniniaasarneq
attartortitsisarnerlu annertugisassaangilaq, taamaattumillu sunnertianerullutik.
*Naalackersuisut tamanna tusaatissatut tiguaat. Aningaasaliinerni assigiinngitsuni
aarlerinartoqartuaannarpoq. Erniaqanngitsunik taarsersugassaangitsunillu
taarsigassarsiissutigineqartut qaquguluunniit aamma akilerneqartussaapput.*

Siunnersuummi aalajangersakkanut ataasiakkaanut nassuiaatit*§ 1-imut*

Nr. 1-imut

Siunnersuutigineqarpoq nutaanik inissialiornissamut taarsigassarsiarititat inunnut taamaallaat tunniunneqarsinnaasut. Inunnut inissiamik piginnittunut taarsigassarsititsisoqassaaq. Arlalinnik nammineq pigisanik inissiarqartumik inissiarsualiornermut ilaatillugu taarsigassarsititsinissamik neriorsuuteqartoqarsinnaanera kingusinnerusukkullu taarsigassarsianik tunniussisoqarsinnaanera allannguuteqanngilaq. Siunnersuutip atuutilernerani pisinnaatitaallutillu pisussaataasunut, soorlu assersuutigalugu aktiaatileqatigiiffinnut imaluunniit ingerlatseqatigiiffinnut piginneqatigiiffiusunut, aallarnisaasut ingerlatseqatigiiffiunut, aningaasaateqarfinnut peqatigiiffinnullu, nutaanik inissialiornissamut taarsigassarsititsisoqarsinnaanngilaq.

Kommunalbestyrelsimiit taarsigassarsinissamut neriorsuuteqarnissamut piunasaqaataavoq taarsigassarsisup nammineq sanaartornermi aningaasartuutit tamarmiusut sinnerinik aningaasalersuinnaanera. Aamma siunnersuummi § 27-mit takuneqarsinnaavoq nammineq aningaasalersuinissamut uppersaat qinnuteqaammut ilanngunneqassasoq.

Nammineq aningaasalersuinissamut uppersaat amerlanertigut tassaasinnaavoq inissianik nutaanik sanaartornissamut aningaaserivimmiit amma/imaluunniit illuummik qularnaveeqqusiilluni taarsigassarsitsisarfimmiit aningaalersuinissamut neriorsuut. Aningaasalersuinissamut neriorsuummi inissianik nutaanik sanaartornermut aningaasartuutit tamarmiusut pillugit missingersuusiamut naapertuutissaaq.

Inatsisartut inatsisaanni § 4-p malitsigisaanik taarsigassarsisoq 110 kvadratmeterinik anginerusunik aamma m²-imut 20.000 kr.-nik akisunerusunik sanaartorsinnaavoq. Taarsigassarsisulli inissianik nutaanik sanaartornermi aningaasartuutit tamarmiusut nammineq aningaasalersortussaallugit, aningaasartuutit taarsigassarsiffiusinnaasut saniatigut. Aningaaserivimmi taarsigassarsisoqarsinnaavoq, illuummik qularnaveeqqusiilluni taarsigassarsitsisarfimmi taarsigassarsisoqarsinnaavoq imaluunniit allatigut aningaasalersuisoqarsinnaalluni.

Nr. 2-imut

§ 9 a, imm. 1-imut

Siunnersuutigineqarpoq inuit kisimik, inissiamut ataatsimut, nutaanik inissialiornissamut taarsigassarsitinneqarsinnaasut. Inunnut inissiamik piginnittunut taarsigassarsititsisoqassaaq.

Inuk ataaseq inissialiornissamut taarsigassarsititsiviusimasumi inissiami ataatsimi piginneqataappat, inuk taanna inissiamut ataatsimut taarsigassarsisimasutut isigineqassaaq.

§ 9 a, imm. 2-imut

Inuk inissialiornissamut taarsigassarsereersimasoq, nutaanik inissialiornissamut allanik taarsigassarsitinneqarsinnaangilaq imaluunniit nutaanik inissialiornissamut taarsigassarsianik pioreersunik tiguisinnaanani.

Inuit inissiamut ataatsimut taarsigassarsiaqartut, inissiaq suli attartortissinnaavaat. Inuit nutaanik inissialiornissamut taarsigassarsiaqartut najugaqartussaataaassasut siunnersuutigineqanngilaq. Tamatumani inuit inigisaminnut uternissamik periarfissaqarlutik nuussinnaanerat qulakkeerpeqarpoq, assersuutigalugu ilinniarnermut imaluunniit napparsimanermut atatillugu.

§ 9 b imm. 1-imut

Siunnersuutigineqarpoq sanatitsisut namminersortut suli ataatsimik arlalinnilluunniit nutaanik inissialiornissamut taarsigassarsitinneqarnissamut neriorsuummik suli qinnuteqarsinnaassasut pissarsisinnaassasullu.

Sanatitsisut namminersortut aamma entreprenørit inissianik, nutaanik inissialiornissamut pisortanit taarsigassarsillutik sanaartugassamut pilersaarusiornermik, aningaasalersuinermik sanaartormillu isumaginninnissamut suli periarfissaqarnissaat, siunnersuummi qulakkeerpeqarpoq. Taamaaliornermi pingaartinneqarpoq, inuit ikinnerpaat inissiarsualiornermik aamma sanileriinnik illuliornermik isumaginninnissamut isumalluuteqartarnerat.

§ 9 b, imm. 2-imut

Taarsigassarsititsinissamut neriorsuut, inissialiat taakkua illuummut aamma inissianut ataasiakkaanut atuilernissamut akuersissutip tunniunneqarenerata kingorna kingusinnerpaamik qaammatit arfinillit qaangiunneranni inunnut tunineqarsimassasut, atugassarititaasut tunngavigalugit, tunniunneqassaaq. Tamatuma kingorna taarsigassarsititsinissamut neriorsuut atorunnaassaaq. Pisinissamut isumaqatigiissut atsiorneqareerpat, inissiaq tunineqarsimasutut isigineqassaaq.

Piffissamut killissaliussaq qaangerneqarpat, sanatitsisup imaluunniit entreprenørip inissiat inunnut tunineqarsimangitsut nammineerluni aningaasalersussavai.

Nr. 3-imut

Kommunalbestyrelsi piginnittut nikinneri pillugit tamatigut ilisimatinneqartassaaq. Aalajangersagaq tassaavoq malittarisassaaq, taamaalilluni qularnaveeqquusiinermi allagartaq naapertorlugu kina akiitsortitit isigineqassanersoq erseqqissaasoqarluni, ilanngullugulu

piginnittut nikinneranni akilersuut akilerneqassasoq imaluunniit qularnaveeqqusiusaarluni taarsigassarsinermut uppersaataat akilerneqartussanngussalluni.

Kommunalbestyrelsi taarsigassarsiarititai aallaaviatigut piginnittut nikinneranni akiligassanngussapput. Aalajangersagaq piginnittut nikinnerinut assigiinngitsunut tamanut atuuppoq, assersuutigalugu inuit, inatsisitigut pisinnaatitaasut pisussaataasullu akornanni piginnittut nikinneri imaluunniit aamma inatsisitigut pisinnaatitaasut pisussaataasullu akornanni piginnittut nikinneri.

Kommunalbestyrelsi taarsigassarsiarititai aatsaat inunnut nutaamik inissialiornissamut taarsigassarsiaqareersunut piginnittut nikinneranni, akiligassanngussapput, takuuk siunnersuummi § 9a, imm. 2.

Piviusumik illumik tunisisup qulakkeertussaavaa kommunalbestyrelsi taarsigassarsisitsisutut akiitsortit nikinnerini akuliunnissaa taamaalillunilu qularnaveeqqusiinermi allagartaq naapertorlugu akisussaaajunnaarnermut tunisisoq uppersaateqassalluni. Tamanna amerlanertigut pisarpoq qularnaveeqqusiinermi allagartamut tapiliussaqaarnikkut imaluunniit taarsigassarsisumit akuerineqartumik akiitsut tiguneqarnerinik nalunaaruteqaarnikkut. Piviusumik pisisoq aamma illumi siunissami taarsigassarsianut akuersineq pillugu kommunalbestyrelsimut qinnuteqartussaassaaq.

Taamaaqataanik nutaanik inissialiornissamut pisortat taarsigassarsiarititaasa tiguneqarsinnaanissaat imaluunniit Kalaallit Nunaanni Eqqartuussivinni nalunaarsuineranut allattuiffimmi inissiamut allattuiffimmi nalunaarsorsimajunnaartussanngorlugu akilerneqarnissaa, suliaqarnermi pisisumit qulakkeerneqassaaq.

Sanaartornerni anginerusuni pisortat taarsigassarsiarititaat ingerlatseqatigiiffinnut tunniunneqarajupput. Taamaaqataanik inissianik inissialiornissamut pisortanit taarsigassarsititsiviusimasunik amerlanerusunik pisineq, ingerlatseqatigiiffimmi nalinginnaasumik pisarpoq. Siunnersuutigineqarpoq illuutiqatigiiffinni taamaattuni piginneqataassutit tunniunneqarnerat, aammattaaq piginnittut nikinnerattut isigineqassasut, taamaalillutillu nutaanik inissialiornissamut pisortanit taarsigassarsiarititai akiligassanngussallutik.

Piginneqataassutininik tunniussinerit suulluunniit piginnittut nikinnerannut isigineqarput. Tamanna aamma aningaasaatinit piginneqataassutit imaluunniit piginneqataassutit aalajangiisuusut tunniunneqanngikkaluartut aamma pissaaq.

Nr. 4-imut

Inatsisartut inatsisaanni matumani imaluunniit inatsisini allani maleruagassat malillugit qinnuteqartup taarsigassarsiaqariinnginneranut uppersaanermi, takuuk § 1, imm. 3,

taarsigassarsinissamut qinnuteqaatinik suliassanik sularinninneq oqinnerulersinneqarsinnaassaaq, tassami kommunimit, kommuninit allanit imaluunniit Namminersorlutik Oqartussanit taarsigassarsiaqarani qinnuteqartup nammineerluni uppersartussaammagu.

§ 2-imut

Imm. 1-imut

Aalajangersakkami siunnersuutip atuutilerfissaa allassimavoq.

Imm. 2-imut

Siunnersuut taarsigassarsinermut tunngasunut pioreersunut pingaaruteqanngilaq. Taarsigassarsinermut tunngasut pioreersut atugassarititaasut atuuttut tunngavigalugit ingerlateqqinneqassapput aammalu kingusinnerusukkut piginnittut nikinnissaat tikillugu taarsigassarsisoq allanngussanani. Inuit imaluunniit ingerlatseqatigiiffiit nutaanik inissialiornissamut pisortanit taarsigassarsititsivigineqartunik arlalinnik inissiaateqartut, taarsigassarsinermut tunngasut attatiinnarsinnaavaat, ilanngullugulu assersuutigalugu inissiaq attartortittakkatut atorsinnaallugu.

Kingusinnerusukkut nutaanik inissialiornissamut pisortanit taarsigassarsititsivigineqartunik inissianik tunisinermi, inissialiortiternernut aningaasalersuineq pillugu inatsisit naapertorlugit inummut nutaanik inissialiornissamut pisortanit taarsigassarsilluni inissiamik piginnittooreersimannngitsumut tunisineq pisimanngippat, pisortat taarsigassarsiarititaat akiligassanngussapput, takuuk siunnersuummi § 1, nr. 2 (§ 9a) aamma nr. 4 (§ 11, imm. 1)

Imm. 3-imut

Taarsigassarsititsinissamik neriorsuut siunnersuutip atuutilernissaa sioqqullugu nalunaarutigineqartoq aammalu nutaanik inissialiornissaq pillugu sanaartugassamut akigititanut pisussaaffiliisumik isumaqatigiissuteqartoqarsimanngippat, allannguutissatut siunnersuummi pineqartunut ilaassapput. Siunnersuutip atuutilernerani taarsigassarsititsinissamik neriorsuuteqarnermut atugassarititaasut allannguuteqassapput.

Tamatuma kingunerisaanik taarsigassarsititsinissamik neriorsuut siunnersuummi § 1, nr. 1-2-imi (inuk kisimi taarsigassarsitinneqarsinnaavoq aammalu taamaallat inissiamut ataatsimut), § 1, nr. 3-imi (inissiaq inummut nutaanik inissialiornissamut pisortanit taarsigassarsereersimannngitsumut tunineqarsimanngippat taarsigassarsititsinissamik neriorsuut atuilernissamut akuersissuteqarnerup kingorna qaammatit arninillit qaangiunneranni atorunnaassaaq), kiisalu § 1, nr. 4-imi (inummut nutaanik inissialiornissamut pisortanit taarsigassarsiaqariinngitsunut piginnittut nikinnerat eqqaassanngikkaanni, taarsigassarsiat piginnittut nikinneranni akiligassanngussapput) pineqartunut ilaatinneqarpoq.

Imm. 4-imut

Taarsigassarsititsinissamut neriorsuut siunnersuutip atuutilernissaa sioqqullugu akuerineqartoq aammalu nutaanik inissialiornissaaq pillugu pisussaaffiliisumik sanaartugassanut akigititassanut isumaqatigiissuteqartoqareersimatillugu, atugassarititaasut allanngortinnagit aallaaviatigut ingerlatiinnarneqassaaq. Taamaaliornermi sanaartorneq aamma aningaasalersuineq attartortitsinissamik imaluunniit inissiat attartortinneqartussanngorlugit aningaasaliisumut tuniniarneqarnissaannik periarfissaqarnermik tunngaveqarsinnaanerat, pingaartinneqarpoq.

Tamatuma kingorna tunisineq (pisumi allami) inummut ataatsimut taarsigassarsiat taamaallaat ataasiussasut aammalu inissiap inummit nutaanik inissialiornissamut pisortanit taarsigassarsiaqariinngitsunit allaanerusunut tunniussinermi akiligassanngornissaa pillugit maleruagassani ilaatinneqassaaq.